

Europe.

Denen die jr gesetz halten/ verheissen dz sie Paradies da sie haben werden was sie wöllen/ schöne weiber/ güten müt ic. Die aber jren Alcoran nit halten/trewen sie ongrad vnd mittel das ewig feur.

Dü erkennen die natur vnnnd art beder roß vnd menschen habē sie einn solche erfahrung vnnnd geschicklichkeit/ das sie allein auß dem ansehen all art vnnnd mangel künden absehenn/was complexion/art vñ eigenschafft der mensch sei/was glücks/warzu brauchsam.

Haben darzu verordnet kauffleut in allen stettē/deren gewerb vñ handtierung allein ist/menschen zukauffen/ verkauffen/die darzu Priuilegia haben/in die heerläger ziehen mit fesseln/ das sie die gefangne von den hendenn der reuber vñ Kriegsknecht erkaufft/ daran schmiiden/vnnnd als ein eigen vihe treiben/ verkauffen wohin odder wie sie wöllen/fesseln sie etwa zehen odder zwölff an einn ketten/ verkauffen nachmals einn ieden nach dem er von Gott mit sonderm gaben geadelt wirt / gilt eben edelman als baur/pfaff/ als ley/ aber auff die gab des leibs wirt gesehen/ ob er alt/jung/starck/schön/ oder nit sei.

Da werden die gefangen auff ein platz gen marck gestellt/vnd entblößt/ aller ding besichtigt vnd probirt/weiber vnnnd jungfrawenn müssen auch gar nackend vnd bloß vor iederman einher gehn/springen/lauffen/das erscheine ob der feyl mensch schwach/ gesandt/ fertig/weib oder mann sei. Mann besihet auch die jungfrawenn ob sie gefellet/gibt vñ kaufft ein jungfraw theurer dann ein geschwechte. Wo sich iemand wolt schemen den treiben sie mit Scorpion/streichē vnnnd geißlen sie darzu/Da wirt der son oft verkaufft inn angesicht des vatters oder mütter/dem mann sein weib genommen/vnd einem andern mann geben/ vnnnd wie ein hür verkaufft vnnnd verspott/die kinder von den brüsten oder armen der mutter.

Als dann wirt der verkaufft an ein ewigen dienst heimgeführt/da ist kein hoffnung einichs aufdienens weil er lebt/ da wirt alle böse arbeit auff sein hals gelegt das weder tag noch nacht weder trost/rast/noch rüwe ist/was sie in güts thund / es sei rüwe/essen oder trincken/das thun sie wie einem andern pferdt in selbs zu güte das sie gesterckt dester bas ziehen vnd arbeyten mögen/vnd so sie es abtreiben also das sie wie die esel erligen vnnnd vnder der bürden nider fallen/treibt mans mit knütteln zu der arbeit/ vnd vnder dem schlagen